

Broj: 01-04.1- /21  
Datum, 31.08.2021.godine

## Z A P I S N I K

sa 1. Vanredne sjednice VI saziva Općinskog vijeća općine Gornji Vakuf – Uskoplje, održane 26. augusta 2021. godine u Velikoj sali Općine Gornji Vakuf - Uskoplje, sa početkom u 10<sup>00</sup> sati. Sjednici su prisustvovali izabrani vijećnici Općinskog vijeća, Općinski načelnik Čaušević Sead, Sekretar općine Prijjić Senad, Pomoćnik načelnika Matijanić Branko, predsjednik OO SDA sedžad Milanović, predsjednik OO SBB Puljarga Sabahudin, VD predsjednica UO JU Dom zdravlja Boškić Luca, VD direktora JU Dom zdravlja Karalić Adnana.

Sekretar općine Prijjić Senad, je izvršio prozivku prisutnih vijećnika, tako da su na sjednici bila prisutna 22 vijećnika i to: Karahodžić Alisa, Duratbegović Nijaz, Milanović Emir, Zahirović Armin, Duvnjak Majda, Brzika Amra, Šupčić Nesib, Muminović Elma - SDA, Krajina Marinko, Posavac Ivo Batinić Goran, Novaković Marin, Jurina Danijela, Jurleta Franjo, Žuljević Ivica – vijećnici Hrvatske liste HDZ BiH, HDZ 1990, HSP BiH i HSS Stjepan Radić, Gekić Edin, Karamustafić Naser, Hajrić Amel, Kičin Kadir, Crnica Kenan – BH BLOK, Abazović Muris-SBB, Lelak Selvedin -nezavisni vijećnik.

Pravdala izostanak Novaković Ana - HL

Batinić G.-predsjednik OV-a

- Prije nego otvorim raspravu o predloženom dnevnom redu, želim vas upoznati sa razlozima za zakazivanje današnje vanredne sjednice
- Dobili smo ponovni Zaključak Općinskog suda u Travniku koji je stigao 16.08.2021. godine na protokol Doma zdravlja u kojem u roku od 15 dana traže dopunu Prijave upisa subjekta, odnosno JU u sudski registar. O kakvim se tačno dopunama prijave radi mogli ste vidjeti u materijalima. Krajnji rok za navedeno je 31.08.2021. godine.
- Budući da su predmetne radnje hitnog karaktera, u cilju nesmetanog funkcionisanja JU Dom zdravlja Gornji Vakuf-Uskoplje, na osnovu člana 60. Poslovnika o radu Općinskog vijeća Gornji Vakuf-Uskoplje, sazva sam vanrednu sjednicu Općinskog vijeća da bi i Općinsko vijeće kao organ Općine Gornji Vakuf-Uskoplje koja je osnivač JU Dom zdravlja u najkraćem roku donijelo potrebne akte bez kojih se ne može izvršiti upis promjene adrese

Batinić G.- predsjednik OV-a

- Dajem na usvajanje predloženi

DNEVNI RED:

1. Prijedlog Odluke o izmjenama Odluke o preuzimanju prava osnivača i usklađivanje organizacije i poslovanja JU Dom zdravlja Gornji Vakuf-Uskoplje
2. Prijedlog Zaključka o davanju saglasnosti na Odluku o izmjenama Statuta JU Dom zdravlja Gornji Vakuf-Uskoplje

Diskusije:-

*Predloženi dnevni red jednoglasno usvojen ( 22 „za“ )*

## Ad. 1.

### **Prijedlog Odluke o izmjenama Odluke o preuzimanju prava osnivača i usklađivanje organizacije i poslovanja JU Dom zdravlja Gornji Vakuf-Uskoplje**

Prijčić S.-ispred predlagača

- Dao je kratko obrazloženje prijedloga Odluke o izmjenama Odluke o preuzimanju prava osnivača i usklađivanje organizacije i poslovanja JU Dom zdravlja Gornji Vakuf-Uskoplje
- Promjene se odnose na promjenu člana 1. stav 1. Odluke, gdje je navedeno da je Općinsko vijeće osnivač JU Dom zdravlja, po mišljenju Općinskog suda Travnik treba da bude Općina kao osnivač.
- U članu 4. Stav 3.-djelatnosti, mi smo naveli četiri djelatnosti JU Dom zdravlja, u prijedlogu Odluke ste dobili ove dvije koje trebaju ostati a ove dvije se brišu iz razloga što bi trebali dobiti suglasnost ministarstva, to bi iziskivalo dosta vremena i da bi ovaj posao završili u roku ove dvije djelatnosti brišemo iz prethodne Odluke.

Diskusije:

Kičin K.-ispred kluba BH Blok

- Meni je malo ovdje nejasno, interesuje me ako je osnivač Općinsko vijeće, Općinskom vijeću se dostavlja izvještaj Doma zdravlja. U slučaju da je Općina osnivač kome se podnosi finansijski izvještaj Doma zdravlja. Zašto bi nama neko podnio finansijski izvještaj ako mi nismo osnivač te ustanove.
- Interesuje me dali će se Općinskom vijeću podnositi finansijski izvještaj Doma zdravlja ili neće, dali će se donositi u vidu informacije ili u vidu finansijskog izvještaja.
- Interesuje me u slučaju da Općinsko vijeće ne usvoji budući izvještaj Doma zdravlja koja je procedura, dali će se na osnovu te odluke moći smijeniti upravni odbor itd.

Batinić G.-predsjednik OV-a

- U svim dosadašnjim odlukama o osnivanju javnih ustanova i preduzeća, kao i u njihovim statutima stoji da je osnivač Općinsko vijeće.
- Mišljenje sutkinje je da ni jedno upravno tijelo, Općinski načelnik, Ministarstvo, kao i zakonodavno i predstavničko tijelo na svim nivoima nema i ne može imati status pravne osobe, te da to može imati u biti samo Općina, Kanton, Federacija ili Država, te da samo oni mogu biti osnivači Javnih ustanova i Javnih preduzeća.
- Izvještaji će se podnositi Općinskom vijeću kao organu Općine, odnosno predstavničkom organu Općine.

Novaković M.-HL

- 81% svih javnih ustanova na nivou Federacije i Države je pao izvještaj, niko nije smijenjen
- Mislim da je bitno da Dom zdravlja funkcioniše a sada pričati dali će se usvojiti ili se neće usvojiti izvještaj to će ocijeniti neka većina kada izvještaj Doma zdravlja bude na dnevnom redu
- Ova Odluka je bitna iz razloga da bi Dom zdravlja mogao funkcionisati i da bi direktorica mogla raditi

Batinić G.-predsjednik OV-a

- Izvještaj će se ponovo naći na Općinskom vijeću, u Statutu stoji da ukoliko osnivač Općinsko vijeće kao organ Općine ne usvoji izvještaj o radu, može se zamijeniti upravni odbor

Karamustafić N.-BH Blok

- Ovih 81% nam govori u kakvoj državi živimo i kakva nam je vlast
- Jasno nam je svima da je ranija vlast osnovala Dom zdravlja, logično je da Općina bude osnivač

Batinić G.-predsjednik OV-a

- Dajem na glasanje Prijedlog Odluke o izmjenama Odluke o preuzimanju prava osnivača i

*Prijedlog Odluke o izmjenama Odluke o preuzimanju prava osnivača i usklađivanje organizacije i poslovanja JU Dom zdravlja Gornji Vakuf-Uskoplje usvojen sa većinom glasova ( 17 „za”, 4 „suzdržana”, 1 „vijećnik se nije izjasnio” )*

## **Ad. 2.**

### **Prijedlog Zaključka o davanju saglasnosti na Odluku o izmjenama Statuta JU Dom zdravlja Gornji Vakuf-Uskoplje**

Prijčić S.-ispred predlagača

- Dao je kratko obrazloženje prijedloga Zaključka o davanju saglasnosti na Odluku o izmjenama Statuta JU Dom zdravlja Gornji Vakuf-Uskoplje
- Općinsko vijeće treba dati suglasnost na prijedlog Zaključka o davanju saglasnosti na Odluku o izmjenama Statuta JU Dom zdravlja Gornji Vakuf-Uskoplje

Diskusije:-

Batinić G.-predsjednik OV-a

- Dajem na usvajanje slijedeći Zaključak: *Općinsko vijeće Gornji Vakuf-Uskoplje daje saglasnost na Odluku o izmjenama Statuta JU Dom zdravlja Gornji Vakuf-Uskoplje br.01-459/21 od 19.08.2021.godine*

*Prijedlog Zaključka o davanju saglasnosti na Odluku o izmjenama Statuta JU Dom zdravlja Gornji Vakuf-Uskoplje usvojen sa većinom glasova ( 17 „za”, 4 „suzdržana”, 1 „vijećnik se nije izjasnio” )*

*Sjednica završena u 10<sup>15</sup> sati.*

SEKRETAR

Prijčić Senad

ZAPISNIČAR

Redžić Hidajet

PREDSJEDNIK  
OPĆINSKOG VIJEĆA

Batinić Goran